

INUIT ATAQATIGIIT

Inatsisartuni



25. juli 2019

Inatsisartut Suleriaasianni § 37 imm. 1 naapertorlugu Naalakkersuisunut apeqquq imaattoq matumuuna saqqummiuppara.

Naalakkersuisunut apeqquq:

1. Ilumoorpa suliffeqarfik GME Ltd. Kuannersuarni aatsitassanik qingornernik ulorianartortalinnik, arrortikkuminaatsunik flouritaqangaatsiartunillu qalluinissamut 23.juli qinnuteqaammik tunniussisimasut?
2. Naalakkersuisut qinnuteqaat tigusimagunikku qanoq isummerniarpat?
3. Naalakkersuisut 23. Oktober 2013 "Immikkoortoq 709-711-mut tunngatillugu atugassarititaasussanut nalinginnaasunut september 2010-imeersunut tapiliusseq aamma sumiiffimmut Kalaallit Nunaata kujataani Kuannersuarni akuersissummut 2010/02-mut tapiliusseq nr. 1 pillugitnassuiaat"-mi taamani Aatsitassanut Naalakkersuisuusumit atsiorneqarsimasumi ima allapput:
"302. *Pisinnaatitsissummik pigisaqartoq pinngoqqaatinik qingornermikulorianartunik akulinnik piaanissamut akuersissummik tunineqarnissamik qinnuteqarpat, takuuk immikkoortoq 301, Naalakkersuisut qinnuteqaat nammineerlutik aammalu arlaannik tunngaveqanngitsumik imaluunniit sumilluunniit tunngaveqanngitsumik itigartissinnaavaat. Qinnuteqaat ilaatigut politikkikkut imaluunniit ingerlatsivimmi pinngoqqaatinik qingornernik ulorianartunik akulinnik piaanissamut akuersissummik tunniussisannginnissamik aalajangiineq tunngavigalugu itigartinneqarsinnaavoq. Qinnuteqaammik itigartitsineq pisussaaffeqarnermik akisussaaffeqarnermillu malitseqassanngilaq, ilanngullugit Namminersorlutik Oqartussanut, Naalakkersuisunut imaluunniit Aatsitassanut Ikummatissanullu Pisorta qarfirmut taarsiinissamik akisussaaffiliissanani."* Aamma:
"303. *Pisinnaatitsissummik pigisaqartoq pinngoqqaatinik qingornernik ulorianartunik akulinnik piaanissamut akuerissummik tunineqarnissamik qinnuteqarpat, takuuk Immikkoortoq 301, Naalakkersuisut pinngoqqaatinik qingornernik ulorianartunik akulinnik piaanissamut atugassarititaasut sulluunniit nammineerlutik aammalu killilersuutitaqanngitsumik aalajangersarsinnaavaat. Naalakkersuisut ilaatigut piaanermi ingerlatanut, isumannaallisaanermut peqqinnissamut, avatangiisinut, pisuussutinik atorluanaanermut aamma inuiaqatigiinni piujuartussamik iluaqutaasumik sunniutaasussanut atugassarititaasussanik kiisalu pisinnaatitsissummik pigisaqartoq Kalaallit Nunaanni Namminersorlutik Oqartussanut akiliuteqassanersoq aalajangersaasinnaapput. Naalakkersuisut tassunga ilanngullugu nammineerlutik aamma arlaatigulluunniit killilersuutitaqanngitsumik ukiumoortumik akitsuummik sumiiffiup akuersissummi pineqartumut ilaasup angissusaa tunngavigalugu*

naatsorsugaasumik akiliuteqarnissamik (nunaminertamut akitsuut) atugassarititaasussanik, akitsuummik aatsitassat piarneqartut ilaalu ilanngullugit tunngavigalugit naatsorsorneqartumik akiliuteqarnissamik (tunisassiornermut akitsuut) atugassarititaasussanik imaluunniit suliaqarnermit akuersissummi pineqartunut ilaasumit aningaasatigut pissarsiat ilaannik Kalaallit Nunaanni Namminersorlutik Oqartussanut qupp.2 akiliuteqarnissamik (pissarsianit akitsuut) atugassarititaasussanik aalajangersaasinnaapput."

Nassuiaammi nassuiarneqartut suli atuuppat?

(Inatsisartunut ilaasorta q Múte Bourup Egede, Inuit Ataqtigiit)

Tunngavilersuut:

Suliffeqarfik GME Ltd. Kuannersuarni aatsitassanik qinngornernik ulorianartortalinnik, arrortikkuminaatsunik flouritaqangaatsiartunillu qalluinissamut 23.juli qinnuteqaammik tunniussisimallutik aningaasanik niuffaffimmut piginneqataasunullu nalunaaruteqarsimavoq, takuuk uani linkimi:

https://wcsecure.weblink.com.au/pdf/GGG/02125389.pdf?fbclid=IwAR0yk10NOxYiIORpmKovHA6QTnM-RDZiYH0aMXvwQVS5UQjbXOeWDB_Oa9Y .

Suliaq Naalakkersuisunit matoqqasumik ingerlanneqartoq ammasumik ingerlanneqartariaqarpoq. Paasissutissallu eqqortut aamma suliffeqarfimmit pineqartumit tunniunneqartarnissaat Naalakkersuisut piumasarisariaqarlugu.

Nassuiaammi 23. oktober 2013-imeersumi Naalakkersuisunit saqqummerneqartumi erseqqissumik nassuiarneqarput ingerlatseqatigiiffiup Kuannersuarni misissuinissamut akuersissutaateqartup pisinnaatitaaffii. Ilaatigut ersarivissumik naqissuserneqarluni ingerlatseqatigiiffik aatsitassanik qinngornernik ulorianartulinnik, arrortikkuminaatsunik flouritaqangaatsiartunillu qalluimalissagaluarpat tamanna politikikkut itigartissallugu akornutissaqanngitsumik pisinnaasoq. Tamassuma naqissusernissaa matumani apeqquteqaammi aamma ujjartorpara.

Kissaatigivara apeqqutikka ullut suliffiusut qulit qaangiutinnginneranni akineqarnissaat.